

新塍鎮志卷一

里人朱士楷仿枚纂輯

同里沈錫爵夢松校刊

疆域

鄭鳳鏘新塍瑣志 新塍鎮止設汎弁駐防無文員管轄疆域四至以隸秀水縣境者為限東南至

九里滙 原註云外委協防向駐九里滙後移鎮 楷案今裁撤 東北至秀吳橋 校勘記云宜再東至紀長橋以橋南

直通仲丁木橋 原註云陡門向為鎮今已久廢 楷案秀水李志去陡門鎮在縣西二

之大路為界 南至陡門塘 十七里靈宿鄉鎮夾運河南北廛居僅二百餘家較諸鎮最為闐寂民

務耕桑女勤紡織頗多樸茂之風 又按沈廷瑞東畚雜記云陡門本堰名隋以前止有杉青閘而

無長安壩凡運河以南皆為上河故自石門而北一路皆置堰以蓄水直至杉青閘而止以石門陡

門水口較大往來 西南至分鄉港秀桐橋 校勘記云宜自分鄉港直南至馮家 楷案嘉興府柳志云

爛溪在秀水縣 西北至三界廟 校勘記云宜自分鄉港直南至馮家 楷案嘉興府柳志云

鄭之章光緒新塍志 疆域表云新塍為秀水首鎮北控吳江西接桐鄉東南二際皆與縣境相毗

連其直南二十里曰陡門舊時別為一鎮是以新城汎所轄境西南不過靈宿港東南至九里滙

而止今彼鎮久廢既附屬於新城汎則西南界限當盡秀水所隸東南邊線亦當自九里滙劃至

運河庶沿塘一帶防務有所專責吾每揆形度勢思綢繆於未雨不得不意為區劃改絃而更張

使歸之於利便倘他日憲政果行地方講求自治則一得之愚敢備芻蕘 楷案宣統元年秀水地

域悉照鄭表惟學區自鎮南靈宿港以東鎮東九里滙以南另劃一區名曰陶涇即陶家窰

也 又按城鎮鄉地方自治章程戶口滿五萬以上稱鎮秀水調查冊惟新塍區域內滿額

東南至嘉興府城二十七里

東北至王江涇三十里

南至濮院鎮二十七里

西南至烏青鎮二十七里 楷案董世鸞烏青鎮志作十八里誤 後珠村十三里

西北至震澤鎮三十六里至南潯鎮四十五里 楷案汪曰楨南潯鎮志作五十里 至嚴墓村十八里

北至盛澤鎮三十里至壇邱二十里至平望驛四十五里至吳江縣九十里 以上瑣志

象賢鄉 府治西三里 嘉興府伊志案至元志 象賢在唐為來蘇鄉 二十二都東區里二十西區里十 舊管里三至德深葉桃花

柿林鄉 府治西北三十里二十七都里十四二十八都里十三 舊管里二 桃莊宋耆

靈宿鄉 府治西北十二里二十三都東區里八西區里十一 舊管里四史村落涇陳墓籬會

雲泉鄉 府治西北十二里二十五都里十七 舊管里二王安莊塔

復禮鄉 府治北二十里二十九都里十二二十都里八 舊管里二九里吳會

沿革 附

張翊清新溪雜詠小序 新塋鎮在秀水縣西北二十七里春秋時吳王夫差築五城 檔案至元志東顧西新南

于北主四城 以禦越新城其一也 余懋新溪權歌分茅列土界分明吳越當年幾戰爭載酒我來尋舊蹟宋梅梁柏古新城

大清一統志及浙江通志 唐會昌元年嘗築土為城謂之新城稅課局 檔案秀水任志云課鈔銀匠班銀共銀三百三十五

兩八錢八分六厘五毫四絲

伊府志及秀水任志 唐景雲中鎮遭兵亂居民壘土為城 原案新城俗名雲中鎮蓋沿此誤 故云新城城久廢今

存其名 鄭鏞新溪權歌吳越新城有舊基更傳築土在唐時五龍港水流如故一櫓歌聲和竹枝

周輝清波雜志 宋置新塋酒務紹興初曾魯公丞相時待浙西帥幹闕權嘉禾新塋稅 檔案至元志云新城

務酒課五百一十六定二兩稅課四十五定三十四兩九錢三分河伯課一十六定八兩

新塋鎮志

卷一 疆域沿革附

柳府志 元置柿林鄉新城務

至元嘉禾志 設新城巡檢司

柳府志 明洪武三年改置新城稅課局 檔案吳府志云嘉靖中裁撤

秀水李志 宣德分縣謀建縣治而不果

伊府志 國朝設新塋汎把總一員為駐防又於九里滙設外委一員為協防 光緒新塋志云光緒二十四年裁撤

新塋瑣志 道光二十二年因土匪滋事移秀水縣主簿為分防蓋生聚日繁管轄益不易矣 檔案同治

初年粵逆靖後凌雲鵬等復請分防事卒不果

秀水縣詳文 為詳請事據卑縣新塋鎮職員生監凌雲鵬等稟稱竊新塋為郡城西北屏障毗

連吳江震澤太湖等處逆擾後鎗匪出沒販鹽聚賭詐擾時聞鎮民心痛口箝幸蒙嚴禁民風不

振惟地當衝要離郡三十里路遠遙隔耳目難周况蘇省謠言甫息而支河又港難保無匪徒乘

機潛伏再四思維惟有環請分防藉資彈壓查道光二十一年蒙前縣主殷通稟河廳分防在案

恢復後有無案卷職等不敢與聞惟為地方起見用敢據實備情公叩恩准通稟以靖地方而協

輿情等情據此查新塍鎮風俗强悍港河錯雜通太湖而宵小易藏離郡城而稽查難遍自非專員分防不足以資防範而通聲氣據稱道光二十一年經卑前縣殷令請將主簿分防該鎮荷蒙准行相安無異雖克復後案卷蕩然無可查核而詢之年老紳民均能稱述所稟定非虛捏且逆靖後平湖縣新倉鎮紳士請委縣丞分防業經本府據情稟蒙批准在案新塍事同一律合無仰懇憲台俯念地當衝要事循舊章恩准主簿分防新塍鎮俾資彈壓而收指臂據稟前情理合備文詳請仰祈憲台督核批示祇遵

光緒新塍志 同治三年設釐卡局光緒二十三年裁撤

又 光緒十一年移秀水縣縣丞分防新塍

張翊清靈鵲軒雜草城者塍之誤下鄉苦潦築堤以扞之曰塍周于圩者曰圍塍又圩田高低不等復有塍以分別之使不盡致淹沒曰分水塍江浙交界多賴此至今一圩之人自南稱北曰北塍自北稱南曰南塍東西皆然新塍主塍顧塍墓塍射襄塍之類是也高鄉無之足以爲證禦水莫如塍宋時以此爲縣官殿最其事甚重王純臣命其位位相接其法甚善是以塍之名大著於低鄉俗誤以爲城因而有吳越爭戰之說於乎彈丸地爾而有許多城哉

水利 疏濬

新塍瑣志 水自烏鎮分水墩一支東流數里入縣境又東約二十里至新城鎮又新城之西北自

爛溪分一支東南流入之又東至東塘滙又東南至九里滙又東過大德塘橋入石臼漾東出柵

堰橋抵郡城西北隅會運河自新城至郡二十七里

光緒新塍志云其支流則南多而北少其港汊則南窄而北寬其圩岸則南高而北下故北鄉

之患常在水南鄉之患常在旱

伊府志 其天目派自湖州來者入運河東流為官塘河經昇山塘合烏鎮水入新塍塘過石臼漾

合穆溪水入嘉興之漕河

又 府城西北新城塘河遠承苕溪爛溪之水而來

嘉興湯志 宋嘉祐五年轉運司王純臣建議請令蘇湖常秀修作田塍位位相接以禦風濤令縣

官教誘殖利之戶自作塍岸定其勸課為殿最當時推行之

嘉興何志 東溪水從桐鄉界來西接烏程北往爛溪抵吳江界

嘉湖水道圖說 麻溪之水迤東北流至新城鎮有爛溪之水自北來會之遠能仁寺出虹橋直東

新塍鎮志

卷一

水利疏濬附

四

經和尚蕩錢家溪雁蕩分而為二一由王江涇出聞店橋達長虹橋北一合主城橋南來之水出

涇橋達長虹橋南

曹倦圃侍郎云 西天目之水自湖州南潯由新塍經郡之北至王江涇平望到吳江入太湖

趙瀛嘉興府圖記 象賢之都東區坦夷支河七圩二十五西區高平大河一支河十圩十五靈宿

之東區亢極大河一支河十圩八西區亢極大河一支河十九圩十一雲泉之都或原或窪大河

二支河十六圩二十八柿林之都曰二十七為中窪大河一支河十圩三十一又曰二十八或原

或窪支河十五圩五十復禮之都曰二十九或原或窪大河一支河十圩三十六又曰三十為中

窪支河十六圩二十一

疏濬 附

同治六年秀邑新塍鎮請欵開濬市河里人集資竟其役

嘉興許府志

光緒十六年修築各鄉圩岸以防水

十七年夏大旱舟楫不通闔鎮集資開濬始得通行居民亦便汲飲

二十八年春旱復濬

宣統元年春改濬市河自問松橋起至豐樂橋止南岸卸讓三尺北岸卸讓八尺三閱月始竟

朱士

楷宣統新溪雜詠開源策較節流長義務拚應  
盡梓桑夾岸人家齊遜步往來容與兩三航

開河公呈 呈爲開復市河公允拆讓環叩察核備案并請給示永禁侵越事竊新滕鎮市河以唐家橋至陸家橋爲最狹非獨不利行商設遇火災延燒尤易光緒十年間陸家橋兩岸焚去房屋九十四椽今三月間焚去唐家橋房屋兩岸共計七十四椽被灾各戶痛定思痛皆歸咎河道過狹取水不便所致咸思讓進幫岸開拓市河以防後患職等擬先開辦唐家橋至朱家橋一帶讓進界線照唐家橋橋洞寬濶查該橋建造之時係照河南丈尺沿河兩岸寬濶相等緣歷年過久兩岸房屋屢次翻造逐漸越佔以致河面狹小今量橋洞濶二丈七尺八寸自東至西自應一律照讓已經各業主公允所需經費議定辦法分爲三等上等歸業主自行拆讓建復中等酌量津貼下等工料全行補助估定現辦東段唐家橋至朱家橋一帶工料經費共約二千元除上等自建築外約需補助費洋一千元左右首由蔡君瀾泉助洋三百元復經

同志捐募合成千元東段經費諒不短少西段陸家橋一帶容續籌經費再行接辦因思讓濶市河既承公允各業主俱顧公益定能一律照辦似可無庸過慮惟修築之後難保不再有侵佔等事爲此公議劃一辦法繕呈鈞鑒並乞察核備案出示曉諭凡該處以後建築幫岸須照唐家橋橋洞界線寬濶爲準并不准於幫岸之外另築水閘以利水道而防火災實爲公便

農桑

農事總論 嘉興府袁志杭秫皆謂之稻正月釀土窖糞二月治春岸三月選種立夏蒔秧四月刈麻麥遂墾田或牛犁已而插青用桔槔灌田早入潦出自四月至七月皆爲農忙月富農倩傭耕田曰長工曰短工佃家通力偶犁曰伴工端陽前後插青畢釀金糞田峻濁醪瓦缶酣呼相勞謂之青苗會是後籽耘糞溉各以時母敢離畔處暑苗行根綻穗苦旱白露花開苦風秋分稻秀苦雨八月二十四日爲藁生日尤忌雨九月刈禾無敢過霜降亦有早稻先一月熟是月藝麥豆栽桑築場子婦竭作亦爲之忙月十月礪米富農高屋蓋藏稍貯額賦供官佃農輸租田王貯其餘以備春作

蠶事總論

嘉興府吳志凡農家飼蚕有頭眠二眠三眠俗呼出火大眠之目蚕食者忌濕葉冷葉忌外

人來故二眠以後不通往來謂之蚕關門大眠後三四日由箔而薪謂之上山親友贈魚肉而來者謂之望山頭漸次成繭乃縑絲或以繭衣爲棉楷案近鎮人亦有飼之者成繭後鄉人均來選取謂之採種繭其利倍於縑絲

栽桑 鄭文同蠶桑輯要一浙中桑樹以富陽爲最佳凡購辦桑秧須擇根絲細密皮色近白者種

之易發若根旁絲少而色深黃者則不取也一凡插穉條分行宜疏每行相間約三四寸墾地務深每條須長六寸剪時必擇嫩枝剛在有癩如眼之上卽插埋入土稍露其端俟其成樹仍復挖出另種一桑甚黑時每顆剪去兩頭以數十枚放在掌中取草繩一條浸濕以桑葢和繩捋之葢黏繩上將繩拉直埋肥土中不一月卽出土如秧第二年移栽第三年接一桑有壓條法所栽之桑有旁出之條長二尺許而去土不遠者鋤鬆其土攀條就之加肥土於上用石壓好露其梢使之上向一年後其條之在土下者根已散布可剪斷移栽一桑枝接後葢少葉大宜春分前後將已經接過之桑條大如筋者剪三四寸長下面削成馬耳形隨將未接之桑離土二三寸遠將皮剖開寸許如人字形以馬耳形之桑條插入斜頭外向將桑皮拂起以稻草密纏忌漏水入口內再用泥封之不得搖動本年可長數尺明年立夏後將接頭上面之本樹用刀削去不得損傷移接之枝一未接之桑已大則離土約二尺許剪去其梢用刀豎剖於皮膜間約二寸許預備一小竹釘削成木梳片謂之桑銛嵌入桑本剖開皮內再將移接之條削如馬耳樣卽取出桑銛而以是條插入草纏泥封亦如前次年可無庸修削或不惟桑本已大而上生枝條亦粗卽離本尺許

分留兩三枝各爲剪梢接條亦可若野桑葉糙亦可以佳種桑條如法接之接時須在驚蟄後清明前務擇晴天接後若遇驟雨則活者寡矣一栽桑之地務宜向陽若太陽不能常照則葉內所含水氣較多蠶性惡濕食之易致蚕病一栽桑之法掘地成坑用水攪成泥漿然後將桑秧下面大直根剪去而留其四圍之小根坐於泥漿之上按至坑底提三五次再用土倍之或三五日一灌無不活者若於隆冬栽種不宜攪以泥漿恐其冰凍致損桑根種後用塘河泥加在近根土面可不必澆灌一栽桑每枝宜隔七八尺縱橫成列栽後即將上面梢子剪去祇留一尺長本年即長新條祇留好條兩枝餘但剪去第二年春天又長新枝仍一概不留至臈月將去年所留兩條剪去梢子留一尺長第三年將第二年所留兩枝上各留兩條共成四枝俟本年臈月或次年清明再將四枝各剪去梢十留一尺長逐年照此辦法至第五年共十六枝凡五層高五尺以後不再留枝每年照第五年剪斷處離二分許剪之閱年則樹頭皆成拳形久之而拳愈大則條愈茂一芒種後宜將桑條剪完雖蚕食有餘亦必去之再生者謂之二葉如養夏蚕則折以餉之不宜多採須於蒙茸處疏通停勻餘條則任其長大卽爲次年發葉之幹雖不養夏蚕亦須如法耘之

秋後則以草繩逐樹箍其所長之枝以防烈風摧折欹斜一桑葉之茂萎視培養之勤惰冬月正月最宜擁肥四月間或以蚕屎桑渣爲擁地肥易生草可種蔬物以除之惟大麥不宜種一桑樹易生蟲見大枝上有流黃水之處將桑皮剔破中有卵如米粒者卽取而碎之或樹有小孔中必有蟲可用鐵絲向孔剔出其深入而非鐵絲所能及者則用漏底銅筆套插入以洋油或百部汁灌之其蟲立死然宜在月之望前又有食葉之蟲生於二葉長成之後一經其食葉片皆若紗然明春發葉必不能繁茂須趁早用煙筋泡水以洗帚勻灑葉上蟲食之卽死遲則多不勝治矣

育蠶 蠶桑輯要一浙中蚕種不一而天台種絲色較白分兩亦重惟鸞種之家不肯挑選佳繭往往以病蚕繭攬人生種以致有全無收成者宜仿照西法用顯微鏡察看謂之驗種其法取子和水搗汁驗其有無患點以定棄取又有驗蛹驗蛾等法亦用顯微鏡察看一繭式有長有圓大抵腰束而微凹者雄蛾也長圓類棗者雌蛾也蛾出繭時大概在晨五點鐘至八點鐘雌雄各置一處出齊後聽其自配四個時辰卽拆開將雄蛾另置一處俟雌蛾撒屎後捉置布上頃刻生子子初生色黃不久卽轉灰色或青白粉紅深綠青蓮諸色若未經雄蛾交媾者其黃色不變不能出

蚕一蚕子生六七日後以風化陳石灰撒於布上卽懸挂高處過伏後可摺而藏之至臘月十二日取出將布上石灰輕輕撲去次將食鹽炒熟候冷勻撒布上卽摺好浸冷茶中至本月廿四日將布取出用清水沃之去其鹹氣聽其自乾又法撒鹽後卽以種布攤竹簾上任其暴露不顧霜雪欺凌亦至廿四日收而沃之向陽曬乾藏待明春桑葉發生時將蚕種布置於懷中夜置被內三五日卽破紗而出矣一蚕紗初見二三頭仍將種布摺藏如稍多則間以燈草俟出齊方收之間有未出者後雖續出亦不必收收蚕須在巳午時間小蚕畏寒前此恐尚有餘寒日已西則煖氣又退矣於室中無風處將蚕種布平攤淨桌上俟其子出大勢已齊以燈草置布上卽將燈草提起以鵝毛掃入蚕箔中然後以桑葉切細飼之一小蚕約飼五六天見其嘴上隱隱有尖角而不復食葉謂之頭眠用礬糠灰撒蚕身上以收潮氣既眠之翌日天冷或二日則蛻衣脫灰而出謂之起娘俟灰下無眠蚕方可喂葉又約四五天則二眠又約五天則三眠乃捉置他箔法皆如初惟所喂葉不必切又約五六天則大眠其養法亦如前大眠起後第一日或先喂柘葉五六次再喂桑葉絲乃有光第

色純綠蚕體瑩徹則知其熟有先熟者謂之巧娘雖喂以葉亦不食而吐絲矣一察有蚕病急宜檢去以免傳染若絲腸抽動而頓止者身縮而皮起黑點者口邊有青粒而屎糞塞門者皮薄細緊色如牛乳且有流汁滋出者切不可留如檢有未盡或感而未發治法於四眠起後用好燒酒灑葉先喂一次再以新鮮葉喂之無病者仍能食有病則倒斃矣蚕又有殭病傳染最速治無善法惟殭蚕能治馬瘟或用馬毛藏於蚕器可解此病以其相生相尅也如遇殭病其所盛大蚕之簾箔須用水浸洗刷潔淨勿使稍留餘氣否則卽隔年盛之亦欲感受一蚕屎桑渣不可太厚天冷隔日灑一次天煖日灑一次灑時將大眼繩網覆蓋蚕箔上次將葉鋪網上俟蚕穿網而上卽提網之四角移置他箔然後去先覆之網掃除蠶屎桑渣一網常在蠶下以二網替換下次亦如之一育蠶以視葉爲務最忌濕葉清晨露水未乾亦不宜用天若陰雨須預備多葉當以蘆簾著地平鋪將葉勻攤其上又須在在抖鬆勿使蒸黦然亦不宜過多恐其太乾則易癘也蠶之食葉以黎明深宵爲最多在晨則五下鐘至六下鐘在夜則十下鐘至十一下鐘尤當隨時添葉而亦視天之寒煖分多寡一經霧之葉亦不可使蠶食以其有腥也須以布擦淨使之涼透方可以飼又



有沙葉亦如之蠶天有晴日中帶昏沈紅色者謂之落沙天葉上隱約有糙末是謂沙葉又桑樹在大麥地中者切勿採以飼蠶一蠶熟將欲吐絲卽先搭山棚約高四五尺架以木桁竹竿上鋪蘆簾預儲堅淨稻幹束把如帚至如排列簾面將熟蠶捉上天煖則頃刻成繭若多不勝捉以柳枝十數條排於箔面蠶卽緣枝而上使兩人執包袱角將柳枝向袱上一搖則蠶下如雨便易捉矣做繭之處宜爽氣透風又須遮蔽其亮光若天氣寒冷或以微火炭盆置山棚下以助蠶力惟欲留種者終不宜用火成繭功有遲速約三四日卽可採矣一飼蠶必須養貓以防夜鼠食蠶如無貓養或買泥塑假貓置於蠶架之旁燈影照之使鼠見而疑忌一蠶箔中遇有蒼蠅趨附急以拂塵驅之恐其生子於蠶身將來成繭後卽化蛆鑽孔而出其繭不能繅絲